

“არა ფობიას!” წევრი ორგანიზაციების საჩივარი ტელეკომპანია “მაესტროს” თვითრეგულირების ორგანოს

საქართველოს ეროვნული ნაკრების ვიცე-კაპიტნისა და "ვიტესის" მცველის გურამ კაშიას მიერ "ჰერაკლესის" წინააღმდეგ გამართულ მატჩში LGBT პირთა მხარდამჭერი სამკლავური თამაშს საქართველოში, საზოგადოების გარკვეულ ჯგუფებში, უარყოფითი რეაქცია და ჰომოფობიური განწყობების გაღვივება მოჰყვა. ამ ფონზე, აღნიშნული თემის გაშუქებისას, მაღალია მედიის წარმომადგენლების პასუხისმგებლობა, რათა პრობლემის არსობრივი განხილვის ნაცვლად, თავად ისინი არ გახდნენ ჰომოფობიური განწყობების წამახალისებლები.

27 ოქტომბერს მაესტროს საინფორმაციო გამოშვების ახალი ამბები მაესტროზე¹ (15:00) ეთერში წამყვანი მაგდა ანიკაშვილი გურამ კაშიას მიერ ლგბტ დროშის სამკლავურის ტარების შესახებ ფეხბურთის ფედერაციის ვიცე პრეზიდენტთან ნიკა ჯღარკავასთან საუბრობდა. მიუხედავად იმისა, რომ გადაცემაში მოწვეული რესპონდენტი ცალსახად აცხადებდა, რომ გურამ კაშიას მიერ სამკლავურის ტარება არ ეწინააღმდეგებოდა საქართველოს ფეხბურთის ფედერაციის პოზიციას და ისინი საერთაშორისო საფეხბურთო ორგანიზაციებთან ერთად გმობდნენ დისკრიმინაციას, ინტერვიუს მსვლელობისას აშკარა იყო წამყვანის მცდელობა, ნეგატიურ კონტექსტში განეხილა ფეხბურთელის ქმედება.

მაგდა ანიკაშვილი, წამყვანი: “მე არ მინდა, რომ ვიყო ძალიან რადიკალური გურამ კაშიას მიმართ, მაგრამ, ასე ვთქვათ, [ის] თავს ახვევს გულშემატკივარს თავის პოზიციას და იყენებს ფეხბურთს თავისი მოსაზრებების გასავრცელებლად, - ასე შეიძლება ითარგმნოს ზოგიერთი გულშემატკივრის თვალში ეს აქცია”.

ჟურნალისტი კითხვების დასმისას ავითარებს აზრს, რომ გურამ კაშიას მიერ ლგბტ თემის წარმომადგენლების მიმართ ძალადობის დაგმობის მიზნით გაკეთებული სამკლავური, შესაძლოა, შეურაცხმყოფელი იყოს ფეხბურთის ზოგიერთი გულშემატკივრისთვის და ამით ამყარებს სტერეოტიპს იმის შესახებ, რომ უმცირესობათა უფლებრივ მდგომარეობაზე საუბარი არ არის მიზანშეწონილი საზოგადოების ჰომოფობიური განწყობების გამო, რომ ფეხბურთის ფედერაციებმა პატივი უნდა სცენ გულშემატკივართა იმ ნაწილს, ვინც ჰომოფობიურად არის განწყობილი

მაგდა ანიკაშვილი, წამყვანი: “არიან ადამიანები, რომლებიც არ ფიქრობენ ასე და მათთვის მიუღებელია ეს ღირებულებები, ხომ? ამ ადამიანების აზრის გათვალისწინება თუ არა, თავს არმოხვევა ხომ თამაშის დროს ამ ღირებულებების, აი, ეს არ იქნებოდა კეთილსინდისიერი უფრო, ნეიტრალური დამოკიდებულება

1

<https://imedineews.ge/ge/video/593/nika-jgarkava-pekhburtis-pederatsia-gmobs-dzaladobas-da-mkhars-uchers-gamok-hatvis-tavisuplebas>

გულშემატკივრების მიმართ? არიან კონსერვატორი გულშემატკივრებიც, რატომ არის მისასალმებელი მათი გაღიზიანება თამაშის დროს მოედანზე?”

მედიის წარმომადგენლის მხრიდან საზოგადოების ყველაზე მოწყვლადი ჯგუფების მიმართ სპორტსმენის სამოქალაქო სოლიდარობის აქტის განხილვა გულშემატკივრისთვის “საკუთარი აზრის თავს მოხვევა”-დ სერიოზულ პრობლემას წარმოადგენს და იმ პროპაგანდისტული ნარატივის შემადგენელია, რომლის თანახმად, ლგბტ თემის წარმომადგენლებისა და აქტივისტების მიერ თემის ღიად მხარდაჭერა პროპაგანდად და საფრთხედ არის შეფასებული.

უფრო მეტიც, საინფორმაციო გადაცემის წამყვანი ექვევებში აყენებს რესონდენტის ნათქვამის ლეგიტიმურობას, როდესაც მის პოზიციას დისკრიმინაციის მიუღებლობის შესახებ მისი თანამდებობრივი სტატუსით ხსნის და ცდილობს რესონდენტის ნარატივის პოზიტიური კონტექსტი ნეგატიურით ჩაანაცვლოს:

მაგდა ანიკაშვილი, წამყვანი: “გასაგებია ჩვენ ეხლა საკამათო საკითხზე ვსაუბრობთ მე მესმის თქვენ ეხლა გარკვეულწილად ხართ შეზღუდული რადგან ოფიციალური წარმომადგენელი ხართ ფეხბურთის ფედერაციის...”

ვთვლით, რომ ტელეკომპანია “მანსტრომ” დაარღვია მაუწყებელთა კოდექსის 31-ე და 32-ე მუხლები, რომლებიც მრავალფეროვნების, თანასწორობისა და შემწყნარებლობის პრინციპებსა და წესებს განსაზღვრავენ. კერძოდ:

მუხლი 31. მრავალფეროვნებისა, თანასწორობისა და შემწყნარებლობის პრინციპი

მაუწყებელმა თავი უნდა შეიკავოს ისეთი მასალის გამოქვეყნებისგან, რომელიც გააღვივებს სიძულვილს ან არატოლერანტობას რასის, ენის, სქესის, რელიგიური კუთვნილების, პოლიტიკური შეხედულებების, ეთნიკური, გეოგრაფიული ან სოციალური წარმოშობის საფუძველზე.

მუხლი 32. მაუწყებლის მიერ მრავალფეროვნების, თანასწორობის და შემწყნარებლობის პრინციპების დაცვისადმი წაყენებული მოთხოვნები (წესები)


1. მაუწყებელი ვალდებულია სამაუწყებლო ბადეში განათავსოს ზუსტი და სარწმუნო, დაბალანსებული, პროპორციული და თანაზომადი ინფორმაცია საქართველოში მცხოვრებ ყველა კულტურულ, რელიგიურ, ეთნიკურ ჯგუფზე და სოციალურ ფენაზე სამართლიანობის და მიუკერძოებლობის პრინციპების დაცვით...

3. მაუწყებელმა პატივი უნდა სცეს ადამიანის უფლებებსა და თავისუფლებებს.

უფრო მეტიც, თუ მაუწყებელთა ქცევის კოდექსის 33-ე მუხლის მე-4 პუნქტი ავალდებულებს მაუწყებელს, რესპონდენტთა მხრიდან პირდაპირ ეთერში ან ახალ ამბებში დისკრიმინაციული განცხადებების გაკეთებისას ან სექსუალურ ორიენტაციასა თუ ნებისმიერ სხვა ნიშანზე უსაფუძვლო მითითებისას, არ წაახალისოს ასეთი გამოხატვა და დასვას კრიტიკული კითხვები სტუმრის მიმართ, აღნიშნულ შემთხვევაში გადაცემის წამყვანი თავად მოგვევლინა დისკრიმინაციის წყაროდ.

მივმართავთ ტელეკომპანია “მაესტროს” თვითრეგულირების ორგანოს შეისწავლოს აღნიშნული საკითხი და იმსჯელოს გადაცემის წამყვანის მაგდა ანიკაშვილის მხრიდან მაუწყებელთა ქცევის კოდექსის 31-ე და 32-ე მუხლების დარღვევაზე.

პატივისცემით,


თინა გოგოლაძე, თამარ კინწურაშვილი

მედიის განვითარების ფონდი (MDF)

ქობულეთის ქ.34/36, მე-4 სართული.

email: mdfgeo@gmail.com

მარიამ კვარაცხელია, ლევან ბერიანიძე

თანასწორობის მოძრაობა

ვ. ბარნოვის 59ა, მე-2 სართული

ელ. ფოსტა: info@equality.ge

გიორგი ნონიაშვილი, ეკატერინე ჭითანავა

ტოლერანტობის და მრავალფეროვნების ინსტიტუტი (TDI)

თბილისი, 0179, გოგებაშვილის 42ბ

ელ-ფოსტა: tdigeorgia@gmail.com

გვანცა წულუკიძე

საქართველოს დემოკრატიული ინიციატივა (GDI)

რ. ერისთავის 3, 0179 თბილისი.

ელ-ფოსტა: info@gdi.ge

ნ. ნინოძე

ნინო დანელია

შავი და ბალტიის ზღვის ალინსი (BBSA)

ტელ 595 119676

mail: ninodane@gmail.com

02.11.2017